

畿輔通志卷六十八

略二十三 輿地二十三 關隘二 鎮堡營壘附 永平

永平府

連接邊郡隋書地理志地界青幽元史地理志負山帶河四塞險固文獻

考肥水之西洞山之北赤山之東方山之南四塞險固東北

雄邦地志集略碣石之依長城之枕護燕薊爲

京師屏翰擁雄關爲遼左咽喉康熙志西接薊門東達榆關其地

控據高深直走燕都六驛而近方軌並轡無山谿關隘之阻

方輿紀要後背羣山前阻大海可謂冀北之神皋燕東之天府府志

盧龍縣

重峪口關在縣北五十里東西山不甚高左右迴抱北橫一  
山關門設於山脊盤折而上僅容單騎關北二里許曰對面

山高插雲漢下視澗底深數百丈澗水東西分流由口緣山而下口內東西皆無路關南四里有堡東距撫甯乾澗口十二里西至桃林口十五里府志南至燕河營十餘里縣圖相近有梧桐峪口舊皆爲戍守處大清一統志

謹案縣圖胡同峪在重峪口西屬遷安界當卽梧桐峪

桃林口關在縣北六十里雍正志府地屬遷安詳遷安縣志作七十里

燕河營在縣東北五十里有城雍正志亦曰燕河路明設叅將

本朝順治六年改設守備今設都司大清一統志轄專成臺頭界嶺

口三汛把總府志西至桃林營二十里方輿紀要

桃林營在縣北五十里雍正志桃林口南十里有城舊設守備

康熙初改把總屬建昌路其西接劉家營大清一統志

劉家營在縣西北五十里劉家口南十里西去遷安縣建昌

營五十里雍正志有城舊設把總屬建昌路康熙二十三年裁

大清一統志

安河堡在縣西二十里一統志作三十里驛道所經又西十里曰赤

峰堡雍正志

雙望堡在縣東三十里大清一統志明嘉靖二十八年蒙古入至

雙望堡卽此方輿紀要

謹案方輿紀要新羅寨在府東三十里又東五里曰雙望堡里數與一統志少異雍正志謂赤峰堡又東五里有雙

望堡則方向大謬矣

安山堡在縣北三十里其相近者曰松崖堡方輿紀要

夷齊廟堡在縣西北二十里外委駐此畿輔輿圖

新羅寨在縣東三十里雍正志

盧龍塞在縣北

雍正志

濡水東南逕盧龍塞塞道自無終縣東

出度濡水向林蘭陁東至青陁盧龍之險峻坂縈折故有九

崢之名

水經注

建安十一年曹操征烏桓出盧龍塞

後漢書

永和

十年慕容儁治盧龍道焚刊木石令通方軌刻石嶺上以紀

事功

晉書載紀

盧龍道亦謂之盧龍塞

太平寰宇記

後人亦謂之長塹

後魏孝昌初杜洛周反於上谷幽州刺史常景討之自盧龍

塞至軍都關皆置兵守險高齊天保四年自將伐契丹至平

安從西趙趣長塹隋開皇三年幽州總管陰壽出盧龍塞擊

高保甯於營州宋宣和五年遼蕭幹出盧龍塞攻破景州景

州卽薊州遵化縣

方輿紀要

國朝方式濟盧龍塞詩穹天

龍塞塞意忽滿眼

寂林木荒日浩埃堪朝辭孤竹祠午過盧

里收羌戎極幕更經界粵稽古天下斷鼉漏私載堯舜禪垂

裳宣尼侈歷塊幽燕地陬隅四海何陋隘畫足

晒前規決皆壯昭代迴望薊遵山春雲接盤蓋

謹案寰宇記盧龍塞在盧龍縣西北二百里通典在平州城西北二百里新唐書懷戎縣東南九十里盧龍塞東連碣石西屬太行實天下之險案唐懷戎縣在今宣化府懷來縣地平州在今昌黎縣地古盧龍塞毗連甚遠實不在此今盧龍縣境雍正志謂在縣北蓋以縣因塞得名含混稱之耳方輿紀要明一統志謂府西北一百九里有盧龍鎮土色黑山形如龍卽古盧龍塞殊屬牽強魏書地形志言盧龍塞與密雲山綿亘不遠承德府志謂遷安之潘家口爲盧龍塞東境密雲西北與居庸塞相連爲盧龍塞西境承德府治東南二百五十里有烏龍山寨之得名蓋由此今案

高宗純皇帝灤水考濡水卽今之灤水盧龍塞卽今之潘家口蘭陁

卽今之喜峰口青陁卽今之冷口其地皆在今遷安縣西北境

遷安縣

桃林口關在縣東北八十里青山口西其南十里爲桃林營

屬盧龍縣

大清一統志

口外至土橋與撫甯縣接界

縣圖

口北十

四里有梳頭崖亦汛守要地

方輿紀要

關在桃林山口關南凡二

路大路自秀各莊涉青龍河循涯北行半里抵水關樓堞已

圯故址僅存小路西北行過栗樹嶺梁抵北關可通馬關西

五里爲瞭望山卽佛爺洞其中峰岫下爲經摩嶺邊城建嶺

上右抱者爲栗樹嶺轉而東北俯瞰河流爲瞭馬山左抱者

爲兜羅崖連崖而起爲南山石皆側立約高千仞無徑可攀

邊城東接南山南盡經摩嶺中爲青龍河天然險阻內小口

有三水峪水口孤窰口佛兒口皆通桃林口大路東距盧龍

縣重峪口十五里西至劉家口二十五里

府志 縣圖 冊作十七里

劉家口關縣東北六十里

府志作縣北五十五里

舊爲出大甯要路明

建文初燕王駐永平自此北取大甯其南十里

府志作八里

爲劉

家營屬盧龍縣

大清一統志

口外至葡萄溝八十里

縣圖 冊

口左右

兩峰不甚高山腳斜拖而下關當其界內外路寬丈餘白石

叢聚殊不易行騎者緣澗上過澗無水當雨潦時流至關南

包穀莊入青龍河關西至徐流口八里

府志

至冷口關二十四

里

縣圖 冊

冷口關在縣北五十里

原作東北七十里據府志改正

明初三衛貢道由冷

口入有關城

本朝設章京及把總駐防其東南爲河流口又東南爲徐流口

大清一統志關外十五里曰撾角山又北二十里曰黃岳山又北

二十里曰逃軍山又有擦都嶺在關西北二十八里其北十

四里曰龍王廟相近又有奚河川沙嶺小鹽場諸處

方輿紀要

外至紉馬河一百七十里西北至沙金溝一百五十里二路

俱與塔子溝爲界

縣圖冊

關距邊城里許左右山勢低平中關

數百丈口內山腳橫開寬廠不下十餘里諸山如龍眠虎卧

脊背隨處可登內外道路坦夷往來四達關南十里曰建昌

營口西二十五里至白羊峪

關府志

白羊口關在縣北四十五里

原作六十里據府志改正

亦曰羊峪堡有把

總駐防其東有白道子堡又東爲石門峪口東接冷口其南

卽建昌營

大清一統志

在擦牙子關東南有小城又北三十里曰

五指崖又北白土嶺栳栳山菴豆谷相去各十里

方輿紀要關西

北山勢蜿蜒鬱盤二十餘里橫亘如錦障陡然中斷闊數十丈爲關關外西山斜長與東南山麓相對爲老邊城關內城門二有河發源於山神廟下距城三里許入口南流入沙河關南水右有山高百仞西與大山相屬多亂石道崎嶇僅可通馬俯臨河流由關北行自二道撥至七道撥計三十里又北至八字嶺皆深山無人煙道路東至白道子八里石門子卽石門嶺十五里西北至擦崖子關四十里府志西北接新開嶺關府舊志

謹案郡國利病書石門子關在縣北三十里白道子關在縣北三十八里舊俱有城

新開嶺關在白羊口西擦牙子關東第二關口也又東曰五

重安關

一統志作五重安堡

關南有五重安營又東南曰白楊谷關方輿

紀要 西北至擦崖子關十五里府志

擦崖子關在縣西北方輿紀要誤作縣東北七十里原作縣北據府志改亦曰擦

牙子堡有把總駐防其東曰洪義嶺堡五重安堡大清一統志關

西北二十里曰單家嶺又西北十五里曰白石山又北三十

五里曰峩石谷與靴兒嶺相接其間有瓦窰川俱守要地方輿紀要

關口山勢自西北陡落城緣山而下爲老邊又南百步爲

正關門洞厚七丈有奇半登以石憑城爲守卽扼其吭東北

諸峰稍卑韭菜山障之於外巉巖突兀關內半里爲擦崖子

城城四周彎曲環繞五山之巔四正門外闢水門四南北濬

溝橫石梁以瀉山水關東五里有洪峪口爲邊城水口關西

至城子嶺關十二里府志縣圖冊作十四里

謹案一統志之洪義嶺當卽府志之洪峪口義峪以音近

訛也

城子嶺關在縣西北七十里

方輿紀要作九十三里誤

嶺去關二里許城

已頽廢過城北行東折至關北有大山如鳥垂翼南一山壁

立千仞中闊百餘步關城圯於水關西北至大嶺寨八里

府志

縣圖冊作六里

西南至榆木嶺關二十里其間山嶺崎嶇所謂十

八盤也

方輿紀要

榆木嶺關在縣西北一百一十里

方輿紀要作七十五里

古薊北雄關

也明時易今名四峰對峙極尖秀東西相距四十餘丈城倚

關下關外地勢稍闊並馬可行石徑紆迴不通轍迹其東卽

四道關相傳秦遺址

府志

榆木嶺青山口東第一關也自關而

北五十二里曰靴兒嶺又北四十里曰乾河川近都山西麓

又有古城嶺亦在口北二十里皆沿邊守禦處

方輿紀要康熙元

年設把總一員駐防榆木嶺嶺西接青山口

大清一統志

青山口關在縣西北一百二十里

方輿紀要作九十里

其南爲青山營

有把總駐守

大清一統志

由青山營東入青山溝三里有廢城又

東四里地闊百丈長三里許又有廢城自此山勢盤曲凡十

三折始抵關下城踞北山之巔高數十丈登城俯瞰遠峯歷

歷可數出關對面有山爲楸木嶺左右大小路各一有泉入

關歸長河西南至青山營十五里至下青山口三十里

府明志

嘉靖二十一年三衛導北部入青山口卽此西距喜峰口六

十里凡七關口

方輿紀要

西至董家口關二十里

縣圖冊

謹案此與撫甯縣之青山口別

董家口關在縣西北一百十五里前山西峙後山東趨橫山

亘於口北五里餘卽橫山砦關南則瞭墩山高數里層峰疊

嶂可恃為險城在東山之腹有長河發源都山之陰入口西

流歸灤河關內外大路寬平車馬往來為要衝之地府志亦曰

董家口堡大清一統志關旁皆大山舊以石砌以磚門三周圍三

十六丈高三丈九尺關口建城一座郡國利病書口外至板城一

百一十里接承德府界縣圖冊口北十里曰桃樹峪又北六十

五里地名聶門又北三十里曰龍鬚門又北七十里即廢會

州由關西轉北出三里許為遊鄉山郡國利病書又西五里

曰勝嶺砦又西為女山其西為鐵門關方輿紀要

鐵門關在縣西北一百三十里一統志作百六十里方輿紀要作百里外通董

家口大路明三衛屬夷入貢通衢也東西山環鎖森嚴中寬

不及半里關城如甕南嚮一門北則真武閣高踞城巔南北

口紐會處僅闊四五十步南口近山障之北口障山曰礮兒

嶺有泉水發源自左側繞關西南流又西至潘家口東北入

灤河關內小口有李家峪西水峪口西十二里為喜峰口府志

鐵門山距關三里在李家峪左碣石叢談關南十五里為窟窿山

山多洞穴高與鐵門關齊自洞口而西十里為西山嶺即喜

峰古松亭山方輿紀要

喜峰口關在縣西北一百五十里頁作百七十里據府志改西南去遵化

州七十里其東南五里為喜峰城城周三里明時駐兵戍守

為薊邊重地

本朝特設章京及遊擊駐防謂之喜峰路兼轄太平寨青山口

李家峪擦崖子白羊峪榆木嶺等六汛大清一統志喜峰口乃烏

梁海進貢之路本名喜逢口長安客話昔有久戍不歸者其父求

之適相遇此山下相抱大笑喜極而死遂葬於此因謂之喜

逢口

圭唐小稿

其稱喜峰蓋自明永樂之後

碣石叢談

關外有山石壁

峭絕萬仞無蹊徑可上巔有精舍三合朱扉粲然

皇華紀聞

關口

有來遠樓可容萬人

方輿紀要

明嘉靖中都御史胡守中建後爲

水衝沒今基址尙存

日下舊聞考

由石梯子砦五里至大喜峰口

邊外通大川貢路正關并南稍城及遶邊嶺通騎衝要其大

小安口等墩空山險通步又五里

府志作二里

至小喜峰口關正

關并東西稍城通單騎

三鎮邊務總要

口外至冰窖七十里接承德

府界

縣圖冊

關左右高山拱對上多松柏餘山以次而低西南

爲小喜峰關今閉正北十二里爲椴木峪

方輿紀要道里記作東北六十里

西行八里至營房又一里至堡子又三里至潘家口凡十二

里

府志

明蕭鑑大喜峰口關城興造記略上卽位之明年

勅都察院右僉都御史鄒來學自山海以至天壽山以東  
千餘里之地關城屯堡其悉疆理之軍務處置聽以便宜公  
拜手稽首言曰於乎皇上所以委任者至矣我何不力以欽

承休命先是敵犯白羊紫荆諸關皆失利公守喜峰口親歷邊境相地之險易曰多寡在人捍禦之廣斥埃謹烽燧民用以甯及有是命時鎮守則有尙膳監都公永總兵則有都督僉事宗公勝左石參將則有都指揮僉事胡鑄馬榮公與之謀曰鄉者緩急預備一時權宜耳經久之計當如聖諭眾咸是之議既克協乃經營繕治之不獨喜峰口而已其他董家羅文諸峪劉家界嶺一片石諸口廣者百餘丈狹者數百尺皆築城以障其缺舊所有者乃增高之爲門以便我軍之出入通水道者則制爲水關城之外爲濠濠之外爲牆山之峻者削之爲壁谿峪蹊徑凡人跡可通者盡築焉蓋東西千餘里間營壘相望高深堅壯足以經久誠所謂金城湯池固也公又以爲諸關獨喜峰口鉅鎮朝貢道所由出乃爲城樓以示壯觀樓高四丈深廣稱之名曰鎮遠樓經始於景泰壬申之七月落成於癸酉之四月力取於守禦之卒而兵不知勞材取於山峪之產而民不知費人見其功之成而不知其何以爲之也於是其將吏相與告於宗公曰都憲公受上命疆里而公式克協心同力以底於成不有紀述其何以示後宗公曰然乃以書屬翰林編修劉宣請於予予謂古之爲天下者不病乎其有患恆病乎其無備不病乎其無備恆病乎實難其人夫事機之來無常惟禦有其備則雖有一朝之患不足爲吾害備不先具使經理有其人則雖弊敗之餘猶足成吾功故曰惟在得人而已元許有王喜峰口歌兒寒解衣重撫摩兒饑推食孰忍訶長成與國遠負戈一去不返當如何去時云戍東北鄙直出榆關度遼水白頭老翁形影俱豈

憚山川千萬里天教此地適相逢父曰從天墮吾子笑疲樂  
極俱殞身誰謂情鍾遠如此官家開邊方未已同生又別甯  
同死山雲漠漠風颼颼山頭雙冢知幾秋當時不忍一朝喜  
今日翻成千載愁猶勝貞女化為石終古孤身雙不得清江  
寒影日悠悠行人一去無消息明王寅宿喜峰口詩萬里  
秋風暮連山到此分幾年尋紫塞今日宿黃雲片月臨關見  
孤軍擊柝聞燕歌爭  
勸酒強飲不成醺

潘家口關在縣西北一百八十里

府志作百七十里

有守備駐劄大

清一統志山勢西北高峻城負山麓可通馬阻河爲險爲灤河上

流春秋水深丈餘入夏或數丈波流甚駛帆檣上下相接北

通熱河南經遷盧灤樂昌五邑順流而下實水路要衝內有

小口二曰東常峪西常峪其東爲團亭砦

府志

由團亭砦三里

至潘家口關外通喜峰口大川河口并播鼓臺東西空通騎

衝要蔡地谷次衝其十八盤通步餘山俱險又二里至東常

峪關外通大川正口并東稍城通騎極衝要其南山各墩空